

UGOVOR **o pružanju usluga**

I SPORAZUMNE STRANE

Arhitektonski fakultet u Sarajevu

Sjedište: Patriotske lige br.30, 71000 Sarajevo
Kojeg zastupa prof. mr. Mevludin Zečević
Identifikacijski broj: 4200192800009
(u daljem tekstu: Naručilac)

i

Triglav osiguranje dd Sarajevo

Sjedište: Dolina br.8, 71000 Sarajevo

Kojeg zastupa direktor prodajnog centra Sarajevo Žan Matić, dipl.ecc.

Identifikacijski broj: 4200247470003

Identifikacijski broj obveznika PDV-a: 200247470003

Transakcijski broj banke, ime i sjedište banke: 1327310012556391 NLB Tuzlanska Banka d.d. Tuzla
(u daljem tekstu: Izvršilac)

II PREDMET UGOVORA

Član 1.

Predmet ovog Ugovora je pružanje usluga kolektivnog osiguranja od posljedica nesretnog slučaja za 79 radnika/uposlenika Arhitektonskog fakulteta u Sarajevu u periodu od 12 mjeseci počev od dana stupanja ovog Ugovora na snagu, a prema Pozivu Naručioca od 13.04.2018. godine i Ponudi Izvršioca broj 08-5356/18 od 17.04.2018. godine, koji su u prilogu ovog Ugovora i čine njegov sastavni dio.

Član 2.

Kolektivnim osiguranjem radnika/uposlenika Arhitektonskog fakulteta od posljedica nesretnog slučaja (nezgode) obuhvaćeni su svi zaposleni, prema kadrovskoj evidenciji svih 24 časa bez prostornog i vremenskog ograničenja, pri obavljanju i van obavljanja redovnog zanimanja, dakle u svako vrijeme i na svakom mjestu.

Član 3.

(1) Osiguranje od posljedica nesretnog slučaja obuhvata:

- smrt usljed nesretnog slučaja - nezgode – ugovorena suma 35.000,00 KM i predstavlja iznos koji se isplaćuje korisniku osiguranja;
- smrt usljed bolesti (prirodna smrt) - ugovorena suma, iznos od 2.500,00 KM koju osiguravač isplaćuje korisniku osiguranja.;
- trajni invaliditet - trajni gubitak opšte radne sposobnosti, koji je posljedica nesretnog slučaja, ugovorena suma od 70.000,00 KM, a ljebarska komisija ga određuje u % na osnovu medicinske dokumentacije po završenom liječenju. Osigurana suma predstavlja osnovicu za obračun naknade, koja se izračunava u visini utvrđenog procenta djelimičnog invaliditeta.
- dnevna naknada - ugovorena suma 5,00 KM, je ugovoreni iznos koji osiguravač isplaćuje osiguraniku za sve dane trajanja privremene nesposobnosti za rad, nastale usljed nesretnog slučaja, na osnovu ljebarskog izvještaja, ali najviše za 200 dana;
- troškovi liječenja - ugovorena suma 5.000,00 KM, ukoliko je posljedica nesretnog slučaja narušenje zdravlja koje zahtjeva ljebarsku pomoć i ako je imao troškove liječenja.

(2) Osiguravač ima obavezu kada nastupi osigurani slučaj, da isplati osiguranu sumu i to:

- cijelu osiguranu sumu za slučaj smrti od bolesti i nezgode ili potpuni invaliditet;
- procenat od osigurane sume ugovorene za invaliditet, koji odgovara procentu djelimičnog invaliditeta, određenog po završetku liječenja;
- troškove liječenja, ako je osiguraniku usljed nesretnog slučaja bila potrebna ljekarska pomoć i ako je imao troškove liječenja;
- dnevna naknada, u ugovorenom iznosu kaje se osiguraniku plaća za sve dane trajanja privremene nesposobnosti za rad, nastale usljed nezgode, a najviše za 200 dana.

(3) Obaveze ugovornih strana regulisane su uslovima koji su sastavni dio ovog ugovora i to:

- Opći uvjeti za osiguranje osoba od posljedica nesretnog slučaja (nezgode)
- Dopunski uvjeti za kolektivno osiguranje radnika od posljedica nesretnog slučaja (nezgode)
- Tabela za određivanje procenta trajnog gubitka radne sposobnosti (invaliditeta) osiguranika kao posljedice nesretnog slučaja (nezgode)

Član 4.

Za koordinaciju operativnih aktivnosti na realizaciji ovog Ugovora, na način i u ugovorenim rokovima, imenuju se:

- za Naručioca: Indina Agić, tel. 033/226-530/lok 160
- za Izvršioca: Admira Bećirović, tel. 033/563-959

IV CIJENA I NAČIN PLAĆANJA

Član 5.

(1) Ugovor se zaključuje sa ukupnom procijenjenom vrijednosti u iznosu do **5.877,60 KM** (pethiljadaosamstotinasedamdesetsedam i 60/100 konvertibilnihmaraka) bez PDV-a.

(2) Korisnik usluga (osiguranik) se obavezuje da osiguravaču svaki mjesec uredno dostavlja spiskove zaposlenih i da premiju osiguranja u iznosu od **489,80 KM za 79 uposlenika** Fakulteta plaća osiguravaču mjesečno po ispostavljenim fakturama.

(3) Ukoliko Izvršilac ne izvrši ugovorene obaveze u ugovorenom roku, dužan je na ime ugovorne kazne fakturu za izvršenu uslugu umanjiti za iznos od po 50,00 KM od ukupno ugovorenog iznosa za svaki započeti dan kašnjenja do izvršenja ugovora, a najviše do 10% od ukupno ugovorenog iznosa.

Član 6.

Ugovorne strane su saglasne da se osiguranje sprovodi radi zaštite onih ugovornih interesa za koje je osiguravač izdao i osiguraniku predao polisu osiguranja.

Član 7.

Osiguranik je dužan da tokom trajanja osiguranja:

- obavještava osiguravača o svim okolnostima koje utiču na promjenu rizika koji je obuhvaćen osiguranjem,
- obavijesti osiguravača o nastupanju osiguranog slučaja.

Član 8.

Osiguravač je dužan da po nastanku osiguranog slučaja pruži osiguraniku pravovremenu efikasnu uslugu pri procjeni i isplati naknadu na osnovu ugovorenih iznosa i uslova osiguranja. Osiguravač isplaćuje osiguranu sumu, odnosno njen odgovarajući dio ili ugovorenu naknadu osiguraniku, odnosno korisniku, u roku od 30 (trideset) dana od dana kada je primio dokaze o postojanju visine obaveze.

Član 9.

Ugovorne strane su dužne da se ponašaju u skladu sa Opštim i Posebnim uslovima za osiguranje lica od posljedica nesretnog slučaja (nezgode), koji su dati na uvid Korisniku usluga – Osiguraniku i čine sastavni dio ovog Ugovora.

V STUPANJE NA SNAGU I RJEŠAVANJE SPOROVA

Član 10.

Ovaj Ugovor se zaključuje na period od 12 mjeseci i stupa na snagu danom obostranog potpisa od starne ovlaštenih lica.

Član 11.

Svaka ugovorna strana može pokrenuti postupak raskida ugovora ako druga strana ne izvršava preuzete utvrđene obaveze, uz otkazni rok od 15 dana.

Član 12.

Eventualno nastale sporove pri realizaciji ovog ugovora, ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

VI OSTALE ODREDBE

Član 13.

Izvršilac nema pravo, u svrhu izvršenja ovog ugovora, da zapošljava fizičke ili pravne osobe koje su bile uključene u pripremu zahtjeva za dostavljanje ponuda ili su bile u svojstvu članova Komisije za javne nabavke, najmanje šest mjeseci po stupanju na snagu istog.

Član 14.

Za sve što nije regulirano ovim ugovorom primjenjivaće se odredbe pozitivnih propisa kojima se reguliraju obligacioni odnosi u Bosni i Hercegovini.

Član 15.

Punovažne i obavezujuće su samo one izmjene i dopune ovog ugovora koje su ugovorne strane sačinile sporazumno i u pismenoj formi

Član 16.


Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.


Za Izvršioca

Žan Matić, dip.ecc., direktor

Datum: 26. 5. 2018. godine

Broj: 08-5893/18


Za Naručioca

Prof.mr. Mevludin Zečević, dekan

Datum: 24. 04. 2018. godine

Broj:

05-30/60-18